



Les Sodomites voulans rompre la porte de la maison de Loth , pour abuser des deux Anges ses hostes sont frappez d'aveuglement.

D T le Seigneur dit, Puis-je celer à Abraham ce que ie dois faire , veu qu'en luy sont benites toutes Nations ? Il dit donc à Abraham, Le cry de Sodome & Gomorre est tellement multiplié, & leur peché est si grief, que ie descendray & verray, s'ils ont accomply par effect, selon le cry qui est parvenu iusques à moy. Mais Abraham luy dist, voire-mais, Seigneur, détruiras-tu le iuste avec le méchant ? s'il y a cinquante iustes en la Cité, ne pardonneras-tu point ? Ia ne t'aduienne de mettre à mort le iuste avec le méchant. Enfin Dieu promit à Abraham que s'il y auoit dix iustes en Sodome, il n'abysseroit point le reste. Et Abraham s'en retourna en son lieu. Et sur le Vespere vindrent deux Anges en Sodome, que Loth recueillit, logea, & fit repaistre: Mais les Sodomites environnans le lieu, voulurent abuser de leurs personnes. Loth empeschant ce forfait, ils voulurent rompre l'huis : Mais ces personnages retirèrent Loth, & frapperent d'aveuglement depuis le plus grand iusques au plus petit, ceux qui vouloient rompre la porte, tellement qu'ils ne la pouuoient trouuer, & la chercherent en vain.